

REGLUGERÐ EVRÓPUÞINGSINS OG RÁÐSINS (ESB) 2020/1040**2021/EES/49/23**

frá 15. júlí 2020

um breytingu á reglugerð (ESB) 2016/1628 að því er varðar umbreytingarákvæði hennar til þess að bregðast við áhrifum af völdum COVID-19 hættuástandsins (*)

EVRÓPUÞINGIÐ OG RÁÐ EVRÓPUSAMBANDSINS HAFAR,

með hliðsjón af sáttmálanum um starfshætti Evrópusambandsins, einkum 114. gr.,

með hliðsjón af tillögu framkvæmdastjórnar Evrópusambandsins,

eftir að hafa lagt drög að lagagerð fyrir þjóðþingin,

með hliðsjón af álitum efnahags- og félagsmálanefndar Evrópusambandsins (1),

í samræmi við almenna lagasetningarmeðferð (2),

og að teknu tilliti til eftirfarandi:

- 1) Í reglugerð Evrópuþingsins og ráðsins (ESB) 2016/1628 (3) er mælt fyrir um kröfur varðandi losunarmörk mengandi lofttegunda og efnisagna og ESB-gerðarviðurkenningaraðferðir fyrir mismunandi flokka færanlegs vélbúnaðar til nota utan vega.
- 2) Dagsetningarnar sem gilda um ný viðmiðunarmörk fyrir losun, sem um getur í „V. áfanga“ í reglugerð (ESB) 2016/1628, eru settar fram til að veita framleiðendum skýrar og ítarlegar upplýsingar og hæfilegan tímaramma fyrir umbreytinguna yfir í V. áfanga, jafnframt því að draga umtalsvert úr stjórnsýsluálagi fyrir viðurkenningaryfirvöld.
- 3) COVID-19 faraldurinn hefur haft í för með sér röskun innan aðfangakeðjunnar að því er varðar mikilvæga hluta og íhluti, sem hefur orsakað tafir í tengslum við hreyfla og vélbúnað sem er búinn slíkum hreyflum, sem uppfylla vægari viðmiðunarmörk fyrir losun en þau sem mælt er fyrir um V. áfanga og sem setja þarf á markað fyrir dagsetningarnar sem settar eru fram í reglugerð (ESB) 2016/1628.
- 4) Vegna röskunarinnar sem COVID-19 faraldurinn hefur haft í för með sér er mjög líklegt að framleiðendur færanlegs vélbúnaðar til nota utan vega, hér á eftir nefndir „framleiðendur upprunalegs búnaðar“ í reglugerð (ESB) 2016/1628, muni ekki geta tryggt að hreyflar og vélbúnaður, sem er búinn slíkum hreyflum, sem umbreytingartímabilið tekur til samkvæmt reglugerð (ESB) 2016/1628, uppfylli þau tímamörk sem sett eru fram í þeirri reglugerð án þess að þessir framleiðendur verði fyrir alvarlegu efnahagslegu tjóni.

(*) Þessi ESB-gerð birtist í Stjtfð. ESB L 231, 17.7.2020, bls. 1. Hennar var getið í ákvörðun sameiginlegu EES-nefndarinnar nr. 167/2021 frá 11. Júní 2021 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Álit frá 11. júní 2020 (hefur enn ekki verið birt í *Stjórnartíðindunum*).

(2) Afstaða Evrópuþingsins frá 10. júlí 2020 (hefur enn ekki verið birt í *Stjórnartíðindunum*) og ákvörðun ráðsins frá 14. júlí 2020.

(3) Reglugerð Evrópuþingsins og ráðsins (ESB) 2016/1628 frá 14. september 2016 um kröfur varðandi losunarmörk mengandi lofttegunda og efnisagna og gerðarviðurkenningu brunahreyfla fyrir færanlegan vélbúnað til nota utan vega, um breytingu á reglugerðum (ESB) nr. 1024/2012 og (ESB) nr. 167/2013 og um breytingu og niðurfellingu tilskipunar 97/68/EB (Stjtfð. ESB L 252, 16.9.2016, bls. 53).

- 5) Í ljósi núverandi aðstæðna og til þess að tryggja snurðulausa starfsemi innri markaðarins, veita réttarvissu og komast hjá mögulegri röskun á markaði er nauðsynlegt að framlengja gildistíma tiltekinna umbreytingarákvæða í reglugerð (ESB) 2016/1628.
- 6) Að því gefnu að framlenging gildistíma umbreytingarákvæðanna muni ekki hafa nein umhverfisáhrif í för með sér, þar sem hlutaðeigandi umbreytingarhreyflar hafa nú þegar verið framleiddir, ásamt þeirri staðreynd að erfitt er að segja til um nákvæma tímalengd þeirra tafa sem röskun COVID-19 faraldursins hefur í för með sér, ætti framlenging viðeigandi tímabila að vera 12 mánuðir.
- 7) Þar eð aðildarríkin geta ekki fyllilega náð markmiði þessarar reglugerðar, þ.e. að framlengja gildistíma tiltekinna umbreytingarákvæða reglugerðar (ESB) 2016/1628, og því verður betur náð á vettvangi Sambandsins, vegna umfangs þess og áhrifa, er Sambandinu heimilt að samþykkja ráðstafanir í samræmi við nálægðarregluna eins og kveðið er á um í 5. gr. sáttmálans um Evrópusambandið. Í samræmi við meðalhöfsregluna, eins og hún er sett fram í þeirri grein, er ekki gengið lengra en nauðsyn krefur í þessari reglugerð til að ná því markmiði.
- 8) Í ljósi hinna brýnu, sérstöku aðstæðna, sem hafa skapast af völdum útbreiðslu COVID-19 faraldursins, var talið viðeigandi að veita undanþágu frá átta vikna frestinum, sem um getur í 4. gr. bókunar 1 um hlutverk þjóðþinga í Evrópusambandinu, sem fylgir sáttmálanum um Evrópusambandið, sáttmálanum um starfshætti Evrópusambandsins og stofnsáttmála Kjarnorkubandalags Evrópu.
- 9) Því ætti að breyta reglugerð (ESB) 2016/1628 til samræmis við það.
- 10) Í ljósi þess að umbreytingartímabilið, sem kveðið er á um í reglugerð (ESB) 2016/1628 fyrir tiltekna undirflokkka hreyfla, rennur út 31. desember 2020 og að framleiðendur upprunalegs búnaðar gátu aðeins framleitt færanlegan vélbúnað til nota utan vega, sem búinn er umbreytingarhreyflum í þeim undirflokkum, til 30. júní 2020 ætti þessi reglugerð að öðlast gildi sem fyrst eða daginn sem hún birtist í *Stjórnartíðindum Evrópusambandsins* og ætti hún að koma til framkvæmda frá og með 1. júlí 2020. Slík beiting er réttlætunleg vegna hinnar ófyrirsjáanlegu og óvæntu útbreiðslu COVID-19 faraldursins, sem og vegna nauðsynjar þess að tryggja réttaröryggi og jafna meðferð framleiðenda upprunalegs búnaðar, án tillits til þess hvort þeir framleiði færanlegan vélbúnað til nota utan vega fyrir eða eftir þann dag þegar reglugerð þessi öðlast gildi.

SAMÞYKKT REGLUGERÐ ÞESSA:

1. gr.

Ákvæðum 58. gr. reglugerðar (ESB) 2016/1628 er breytt sem hér segir:

1) Ákvæðum 5. mgr. er breytt sem hér segir:

a) Í stað annarrar undirgreinar kemur eftirfarandi:

„Fyrir hreyfla í undirflokkum í flokki NRE, þar sem 1. janúar 2020 er dagsetningin, sem er sett fram í III. viðauka, fyrir setningu hreyfla í V. áfanga á markað, skulu aðildarríki heimila framlengingu á umbreytingartímabilinu og á 18 mánaða tímabilinu, sem um getur í fyrstu undirgrein, um 12 mánuði til viðbótar fyrir framleiðendur upprunalegs búnaðar með færri en 100 einingar í árlegri heildarframleiðslu á færanlegum vélbúnaði til nota utan vega sem er útbúinn brunahreyflum. Að því er varðar útreikninginn á árlegri heildarframleiðslu skulu allir framleiðendur upprunalegs búnaðar undir stjórn sama einstaklings eða lögaðila teljast vera stakur framleiðandi upprunalegs búnaðar.“

b) Í stað þriðju undirgreinar kemur eftirfarandi:

„Fyrir hreyfla í undirflokkum í flokki NRE, þar sem 1. janúar 2020 er dagsetningin, sem er sett fram í III. viðauka, fyrir setningu hreyfla í V. áfanga á markað, sem eru notaðir í færanlegum krönum, skal umbreytingartímabilið og 18 mánaða tímabilið, sem um getur í fyrstu undirgrein, vera framlengt um 12 mánuði.“

c) Eftirfarandi undirgrein er bætt við:

„Fyrir hreyfla í öllum undirflokkum, þar sem dagsetningin 1. janúar 2019, sem er sett fram í III. viðauka, fyrir setningu hreyfla í V. áfanga á markað, að undanskildum hreyflunum sem um getur í fjórðu undirgrein, skal umbreytingartímabilið og 18 mánaða tímabilið, sem um getur í fyrstu undirgrein, vera framlengt um 12 mánuði.“

2) Eftirfarandi lið er bætt við 7. mgr.:

„d) 36 mánuði frá gildandi dagsetningu fyrir setningu hreyfla á markað, sem sett er fram í III. viðauka, í því tilviki sem sett er fram í fimmtu undirgrein 5. mgr.“

2. gr.

Reglugerð þessi öðlast gildi daginn sem hún birtist í *Stjórnartíðindum Evrópusambandsins*.

Hún kemur til framkvæmda frá og með 1. júlí 2020.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 15. júlí 2020.

Fyrir hönd Evrópuþingsins,

D. M. SASSOLI

forseti.

Fyrir hönd ráðsins,

J. KLOECKNER

forseti.
